

Biblia Para sa mga Bata

Ihinahalad



Ang Taong
Isinugo Mula
sa Diyos



Sinulat ni: Edward Hughes

Ilinarawan ni: Byron Unger at Lazarus

Ibinagay ni: E. Frischbutter at Sarah S.

Isinalin ni: Anne T.

Yinari ni: Bible for Children
www.M1914.org

©2009 Bible for Children, Inc.

Lisensia: May karapatan kayo magkopia o imprenta ng kuento,
kung hindi ninyo ipagbibili.



Sa loob ng templo isang araw, isang matandang saserdote na nagngangalang Zakarias ay nagsusunog ng kamangyan alinsunod sa kaugalian at tungkulin ng pagkasaserdote. Habang sa labas ng templo ang mga tao ay nananalangin. Biglang si Zakarias ay nanginginig sa takot.



Isang anghel ang nagpakita. "Huwag matakot" sabi niya. "Ako ay inatasan ng Diyos. Ang iyong asawa ay magkakaanak ng lalake.



Juan ang iyong ipapangalan sa kanya at siya ay mapupuspos ng Banal na Espiritu. Papanumbalikin niya ang maraming tao sa Diyos."



"Magsalita ka Zakarias." Ang mga tao ay nagtataka, hindi nila alam na sinabi ng anghel kay Zakarias na siya ay mapipipi hanggang sa ang bata ay maisilang dahil hindi siya naniwala kaagad na ang kanyang asawa ay magdadalantao pa, dahil sa katandaan nito.



Sa Kanilang tahanan, isinulat ni Zakarias lahat ng sinabi ng anghel at namangha ang kanyang asawang si Elisabet. Parati silang nananalangin ng isang anak. Mangyayari kaya ito ngayon?






At Hindi nagtagal si Elisabet ay nagdalantao at nagpuri siya sa Diyos. Isang araw, ang pinsan ni Elisabet na si Maria ay dumalaw sa kanya. Si Maria ay naghahanda din sa pagdating ng kanyang sanggol.



Nang dumating si Maria, naramdaman ni Elisabet na ang sanggol sa kanyang sinapupunan ay lumundag sa tuwa at si Elisabet ay napuspos ng Banal na

Espiritu. Nalalaman niya na ang sanggol na dinadala ni Maria ay ang Panginoong Hesukristo. At sabay silang dalawa na nagpuri sa Diyos ng may kagalakan.



At isinilang nga ni Elisabet ang kanyang sanggol gaya ng ipinangako ng Diyos. "tawagin natin siyang

Zakarias, gaya ng kanyang ama," wika ng isang saserdote. Biglang naalala ni Zakarias ang sinabi ng anghel sa kanya, kaya "Hindi! Ang pangalan ng sanggol ay Juan."

ayon sa kaniya na isinulat ang mga katagang yaon, at biglang nanumbalik

ang kanyang tinig. At

siya'y

nagpuri sa

Panginoon.



Habang si Juan ay lumalaki, siya ay nagiging katulad ni Elias na isang dakilang lingkod ng Diyos. Isinasalaysay ni Juan sa maraming tao ang tungkol sa Anak ng Diyos na darating at magliligtas sa kanila.





Subalit kinamumuhian si Juan ng mga pinuno ng mga Hudyo dahil sa patuloy niyang pagbabala sa kanila na "Magsisi! Talikuran ang inyong mga kasalanan." Dahil ayaw nilang makarinig patungkol sa kanilang mga kasalanan.



Ang tawag ng karamihan sa kanya ay Juan Bautista, sapagkat siya ay nagbabautismo sa tubig ng mga taong nagsisisi at nagnanais na talikuran ang lahat ng mga kasalanan. Isang araw, si Hesus ay lumapit kay Juan at nagpabautismo.



"Ako ang nararapat na iyong bautismuhan" wika ni Juan kay Hesus. Subalit sinabi ni Hesus sa kanya "Hayaan mo na ito ay maganap." At siya ay binautismuhan ni Juan.



Matapos ang pagbautismo kay Hesus, nakita ni Juan na ang Banal na Espiritu ay bumababa kay Hesus sa anyong kalapati. Ito na ang itinakda ng Diyos at alam ni Juan na si Hesus ang Anak ng Diyos. Tinawag ni Juan si Hesus na Kordero ng Diyos na mag-aalis ng kasalanan ng sangkatauhan.



Dumarami na ang mga taong nadadala ni Juan sa Panginoon, subalit ang masamang pinunong si Herodes ay pinakulong siya.




"Kasalanan na angkinin mo bilang asawa si Herodias na asawa ng iyong kapatid" wika ni Juan kay Herodes. Alam ni Herodes na ito ay totoo. Alam niyang si Juan ay lingkod ng Diyos, matuwid at banal, at hindi titigil si Juan sa pangangaral ng katotohanan kahit na siya ay makulong pa.



Dumating ang kaarawan ni Herodes at nagkaroon ng malaking salu-salo. Nang sumayaw ang anak ni

Herodias, labis itong naibigan ni Herodes, sinabi niya "Humiling ka ng kahit na anong bagay na iyong nais, at ibibigay ko sa iyo maging ang kalahati ng aking kaharian."






"Ano kaya ang aking hihilingin?" naisip ng dalaga. Subalit sinabi ng kanyang masamang inang si Herodias na may labis na pagkamuhi kay Juan, kung ano ang dapat niyang hilingin! Ito ay napakasama!



"Ibigay mo sa akin ang ulo ni Juan bautista na nakalagay sa isang pinggan," ang hiling ng dalaga kay Herodes. Nalungkot si Herodes sa kanyang ipinangako sa dalaga subalit hindi niya kayang baliin ang kanyang salita. Kaya, "Pugutan ng ulo si Juan at dalhin dito" utos ni Herodes at sinunod naman ng kanyang mga kawal.



Gayun na lamang ang kalungkutan na inilibing ng kanyang mga kaibigan ang matapang at matapat na lingkod ng Diyos na si Juan Bautista. At dito nga natapos ang tungkulin ni Juan sa Panginoon, subalit alam nila na nariyan ang Panginoong Hesus upang aliwin sila sa kanilang kalungkutan.



Ang Taong Isinugo Mula sa Diyos

isang kuentong nanggagaling sa
Salita ng Diyos, ang Biblia,

makikita sa

Lukas 1, 3; Marcos 6

"Ang bukas ng iyong mga Salita ay
nagbibigay ng liwanag." Mga Awit 119:130



Ang Wakas



Ang kuentong ito sa Bibliya ay nagsasabi sa atin tungkul sa kahanga-hangang Diyos na naglikha sa atin at ibig niya na a-alam natin Siya.

Alam ng Panginoon na tayo'y gumagawa ng masamang bagay, na tinatawag na kasalanan. Ang parusa ng kasalanan ay kamatayan, ngunit mahal na mahal tayo niya na ipinadala niya ang kanyang Anak na si Hesus upang maipaku at mamatay sa Krus bilang parusa ng ating mga kasalanan. Nabuhay si Hesus muli at pumunta sa langit! Kungkayo ay maniniwala kay Hesus at humingi ng kapatawaran ng iyong mga kasalanan, gagawin niya iyon! Siya ay maninirahan sa inyong puso ngayon at kayo ay maninirahan na kasama niya sa kanyang tahanan na walang hanggang.

Kung ibig mong iwasan ang iyong kasalanan, sabihin ito sa Panginoon: Mahal na Panginoon, ako'y naniniwala na si Hesus ay namatay para sa akin at nabuhay muli. Maaari po bang pumasok kayo sa aking buhay at patawarin po ninyo ako sa aking mga kasalanan, upang ako'y magkaroon ng bagong buhay ngayon at sa sarating na araw ako ay kasama mo sa iyong piling na walang katapusan. Tulongan po ninyo ako habang ako'y naninirahan sa mundo bilang iyong anak. AMEN

Basahin ang Bibliya at manalangin sa Panginoon araw-araw. Juan 3:16

